

# INUIT ATAQATIGIIT

## INATSISARTUNI



Aasiaat 1. marts 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Avannaani ilinniarnertuunngorniarfiup Aasianniittup kantiina Gammeqarfiup eqqaaniittoq atorunnaagassani tigummiinnarniarpaa - pigiinnarniarpaa?**
- 2. Pigiinnarniaruniuk taava sumut atorniarpaa?**
- 3. Pigiinnarniannikkuniuk taava qanoq piniarpaa?**
- 4. Pigiinnarniannikkuniuk Gammeqarfimmut piginnittuusimasumut uterteqqinnissaa isumatusaarnertut isiginnginnerpaa?**  
(Inatsisartuni ilaasortaq Peter Olsen, Inuit Ataqatigiit)

Naluneqanngitsutut Avannaani ilinniarnertuunngorniarfiup nutarterneqarnerata aammalu allineqarnerata kingorna paasinarsivoq kantiina Gammeqarfiup eqqaaniittoq atorunnartussanngoraa.

Tamanna pillugu paaserusuppara Naalakkersuisut qanoq pilersaaruteqarnerisut kantiinap atorunnaarnissaa pillugu.

Naluneqanngitsutut kantiina qangaanerusoq Gammeqarfiup pigalugu ingerlassimagaluarpaa, 1983-mili Ilinniaqqinnissamut Piareersarfik (HF) Aasianni pilersinneqarmat, kantiina taanna Ilinniaqqinnissamut Piareersarfimmut tunniunneqarsimasoq, ullumikkut ilinniarnertuunngorniarfittut taaguuteqalersimasumi.

Massakkut meeqqat atuarfiat Gammeqarfik ataatsimoortarfimmik tassa aula-mik qangali amigaateqarpoq. Isumaqarpungalu pissusissamisoortoq kantiina Gammeqarfimmut utertinneqarsinnaappat, taamaalilluni kantiina pineqartoq Gammeqarfimmiut ataatsimoortarfittut – aula-tut atorsinnaalerniassammassuk.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.